

皇朝實錄

冊五

大清世祖體天陰運英睿欽文大德弘功至仁純孝章皇
帝實錄卷之四十五

順治六年秋七月戊午朔
享

太廟遣固山額真譚泰行禮

攝政王多尔袞率師征大同
己未

增設江南省城管理倉庫鳳陽府管倉司官各一員

開江西鼓鑄

增設江南鹽城營遊擊一員

庚申

鎮國將軍穆爾察卒謚恪恭

辛酉

戶部覆江寧巡撫王國寶疏言華亭縣義米一項始于義士顧正心憫里人差役之苦宗族贍養之難捐貲買田四萬八百餘畝每歲租米四萬三千餘石幫貼賠累優卹貧窮原與有司無涉應仍歸正心子孫收種以成義舉從之

漕運總督吳惟華報擒江北叛賊白玉麟等三十三人

甲子

命燾章京敦拜統官兵往剿河間一路土寇

乙丑

陞刑部郎中翟文賁為浙江布政使司叅議兼按察司僉事提學道禮部郎中鍾性樸為山東布政使司叅議兼按察司僉事提學道兵部主事李承尹為湖廣按察司僉事湖北提學道兵部員外郎張四教為山東按察司僉事提學道刑部郎中馥為湖廣布政使司叅議兼按察司僉事湖南提學道

命和碩親王滿達海多羅郡王瓦克達統官兵征朔州寧武等處

廕湖廣襄陽府靖難推官李寔發子隣入監讀書

丁卯

湖北巡按陳棐報剿撫黃屬賊寇情形並叅將韓友同知白秉貞等功績下兵部察叙

免河南開封等府水災額賦有差

戊辰

命朱喇喀石圖率兵援剿霸州土寇

湖廣巡撫遲日益報黃崗土賊平

贈陝西戰沒中軍叅將周建勳為署副將錄其子弟一人

陝西肅州道僉事宋炳坐失守城池革職

庚午

以出師江西搜獲金銀珠帶等物分賜固山額真譚泰何洛會并從征各官有差

辛未

攝政王多尔袞至阿魯席巴爾臺罷大同之行、獵而還分兵與肅章京索洪署肅章京希爾根統領往益和碩親王滿達海軍

歸化城土默特部落精奇尼哈番碩格等貢馬宴賚如例

壬申

中元節遣官祭

福陵

昭陵

命蠡章京伊爾德統官兵往剿保定一路土寇

江西巡撫朱延慶劾建昌叅將胡大庸懦喪師致廣

昌失陷

命革職擬罪

四川巡撫李國英報剿安綿餘賊擒斬賊將解應甲等
並

癸酉

卯刻大霧如細雨起西北至東南青白色

命梅勒章京吳喇禪領官兵協同通州總兵自天津水路

會剿趙堡口流賊

湖廣巡撫遲日益疏報剿撫黃州賊衆三百餘皆偽王

朱蘊鑲等就擒下兵部察叙蘊鑲令就彼正法

陝西巡撫黃

疏報

寇勾引塘丁攻陷岐山縣因

守知縣趙鏡閔西道石鳳臺罪詔削鏡職逮問鳳

臺下所司議

贈福建戰歿委署遊擊王鳳岐為寔授遊擊

甲戌

陞太僕寺少卿傅景星為通政使司左通政

陝西巡按盧傳疏報剿平澄城永壽涇州各路土賊並獲牛馬器械無筭下兵部

乙亥

署江西提督事劉光弼疏報平復廣昌縣收撫饒州撫州降將三十餘名章下所司

丙子

解鑲白旗固山貝子吳達海梅勒章京任

以正藍旗覺羅郎止為滿洲固山額真解尚書任

以正紅旗滿洲固山噶達法為蒙古固山額真仍管侍郎事

以正藍旗俄羅斯塞臣為蒙古固山額真

解鑲白旗宗室公韓岱固山額真任以何洛會仍為固山額真

以正藍旗陳泰為叅章京解侍郎任

以鑲黃旗倭木索科為京城噶喇昂邦

以董阿賴為都察院叅政惠孚為兵部理事官

以鑲白旗俄碩為滿洲梅勒章京正黃旗甲喇章京蘇朗正藍旗畢里克圖為蒙古梅勒章京正白旗烏真超

哈固山蔡士英為梅勒章京正紅旗李希覺羅俄黑正
白旗精奇尼哈番光泰一等蝦馬爾賽丹布額爾德鑲
白旗尼瑪禪蘇木拜鑲黃旗穆成格正黃旗抗素正藍
旗科布索鑲紅旗他爾吉善巴圖魯為擺牙喇甲喇章
京正黃旗沙世題爾正藍旗忒克忒奇正白旗烏真超
哈固山斐文選為甲喇章京

丁丑

陝西巡按盧傳報延安逆賊趙鉄棍等二千餘人窺犯
宜川官兵分路馳剿斬首二百餘級招降賊將二員章
下兵部

以河間一路土寇竊發命蠶章京沙爾虎達統官兵討
之會同碩對酌量剿撫

戊寅

山西巡撫祝世昌疏報平陽府盜賊蜂起各屬州邑相
繼失陷蒲州遊擊武韜中軍許世德夏縣知縣劉之屏
俱死難章下所司

己卯

川北道高成榮坐被盜失印草職

贈戰歿福建興化府委署叅將路運皞連江縣委署叅
將桂顯俱為寔授叅將

辛巳

江南江西河南總督馬國柱報江南鳳陽滁州淮安揚州蘇州各屬州縣衛所及河南磁州羅山縣水雹傷稼請飭撫按確勘以行蠲卹報曰以後地方災傷該督撫按即詳察被災頃畝分数明確具奏毋得先行泛報所司即傳諭通行

壬午

山西巡撫祝世昌報端重親王克復孝義縣斬賊無算章下所司

癸未

諭兵部曰迩來土賊橫行皆由該管官員怠忽疎玩覺察不早故鄉村不良之徒得以窩藏勾引間有知情者反怕賊勢不畏國法不肯作速報官遂致盜賊乘間作亂自今以後凡各官于該管地方務須精勵嚴察舉報剿捕預為消弭之計如仍前怠玩致有盜賊竊發者該管各官俱問重罪其窩藏之家處斬左右鄰知情不舉及十家長不行察舉者一併不饒爾部傳諭通知

甲申

南贛巡撫劉武元報廣東餘孽三路肆逆一則長駟渡嶺入犯南安一則屯聚烏迳窺伺信豐一則設計夾攻

直逼崇義遂分調各營將士奮勇會擊連破木城擒斬
偽軍門劉治國等九名陣獲馬匹器械無算下兵部叙

卹

乙酉

授庶吉士鄧旭為內翰林國史院檢討

削陝西署按察司事提學道叅議呂雲藻職以縱保重
犯遊擊韓岫致令脫逃故也

以一等蝦拜効力年久授拜他喇布勒哈番

丙戌

陝西巡撫黃尔性疏報平西王吳三桂固山額真墨勒
根蝦恢復延綏鎮城殲賊衆四千六百餘級請趣新推
撫道速行泣任章下所司

丁亥

蜀賊孫一鳳糾結土司龔人龍等勾引番逆謀犯龍安
叅將王明德等奮力殄剿大敗之擒斬賊級並獲器械
無算四川巡撫李國英以聞下兵部察叙

封鎮國公鞏阿岱為固山貝子

八月戊子朔

祭

大社

大稷遣尚書尼堪行禮

己丑

平西王吳三桂固山額真墨勒根蝦等統兵攻剿蒲城
宜川安塞清澗等處逆寇斬首級數千捷聞下所司議
叙

辛卯

寅刻至卯刻大霧如細雨四方沉重色蒼白

癸巳

攝政王多尔袞還京

陞戶部郎中姬琨為山西布政使司叅議兼按察司僉
事保定兵備道

陝西總督孟喬芳疏報山西逆寇虞胤等稱偽永曆年
號陷蒲州及臨晉河津等縣臣同戶部侍郎額色督兵
渡河直趣蒲州殺賊無筭遂復其城臨晉河津等縣皆
平又報剿平興安賊渠王國賢等俱下所司議叙

甲午

卯刻太白順行見于巳位

免直隸真順廣大四府所屬州縣六年分水災額賦
征西大將軍和碩親王滿達海等奏報克復朔州馬邑
等處下部議叙

丙申

太宗文皇帝忌辰遣官祭

昭陵

丁酉

遣大學士剛林祭

先師孔子

達賴喇嘛遣使奉表言于辰年夏月朝見并奉貢方物
定西大將軍端重親王博洛奏報賊衆萬餘圍絳州署
梅勒章京羅碩等大破之斬級二千餘進攻孝義委署
副將梁化鳳以火藥入地穴藥發城崩遂拔之賊衆三

千餘犯壽陽令署梅勒章京卦喇特晉等接剿復大敗
之斬級千餘又敗賊于平遙遼州榆社等處斬級無筭
端重親王復言平陽府所屬者已附者十七州縣未附
者十州縣汾州府所屬已附者二州縣未附者八州縣
太原府所屬已附者六州縣未附者七州縣茲奉

旨令駐防兵馬留鎮太原出征大兵俘掠及叛他方俟馬
匹餵養肥壯即令回京臣等觀其形勢大兵一回恐已
附城堡亦將為賊所有伏候

上裁疏入得

旨王言甚是和碩親王滿達海兵馬到汾州時可合兵併

力攻取汾州俟彼處奏報到日另

旨定奪

禮科右給事中姚文然言北直接壤山東河北一帶盜賊日熾商賈不前畊桑失時兵到則東逃西遁兵撤則勾連復起臣熟籌其故由地勢接連兩省兵馬各有分疆在巡撫無調總鎮之事權而總鎮亦無越境窮追之剿法是以狡賊得東西躲閃逋緩天誅若倣江南川湖陝西之例即將真保巡撫改為總督衙門其標兵官吏廨宇公費一毫不煩另措但慎推威望大臣重其事權舉直隸山東及河南懷慶衛輝彰德三府悉歸統轄兩省巡撫悉聽節制則狡賊出沒總督可調遣各鎮兵馬合力會剿或扼其前或截其後剿有全局賊無遁路息盜安民肅清畿輔事不煩而功甚大疏入從之

戊戌

太祖武皇帝忌辰遣官祭

福陵

己亥

遣福建道監察御史馮右京巡視漕儲

贈殉難甘肅巡撫右僉都御史張文衡為都察院右副都御史西寧道副使林維造為光祿寺卿西寧道僉事

張鵬翼為光祿寺少卿紹興府知府張愨為太僕寺卿
會稽縣知縣官撫渙為浙江按司僉事各廕一子入監
讀書

還原任浙江巡撫秦世禎職初俞文淵謀反一案該撫
蕭起元輕重兩議題請移會世禎世禎不行駁部議
降一級調用 查巡撫會稿月日係先題後會議免

降調

辛丑

遣廣東監察御史竇蔚巡按順天等處

福建巡按周世科貪婪無忌屢用奇刑殺人罪在不赦

法司請按律凌遲妻孥家產籍沒入官

命斬之沒其妻孥家產

甲辰

戶科給事中常若柱劾奏闖賊偽丞相牛金星從闖為
賊弑君殘民抗拒王師力盡始逃是王法所不宥者伊
子銓同父為賊今冒濫作官據湖北巡按王守履疏劾
贓私巨萬論罪當死且金星父子罪在萬世誅其人籍
其家寔為古今公義請立正國法以快人心疏入報曰
流賊偽官真心投誠者多能効力常若柱這本大不合
理着議處牛銓貪贓事情着照律擬奏

夜月暈

乙巳

賜自喀爾喀來歸鄂庫澤等衣帽靴鞵綢緞棉布等物
有差

陞大理寺卿馮杰為戶部右侍郎太常寺卿趙繼鼎為
都察院左副都御史

降補原任湖廣巡撫高士俊為山西布政使司叅議分
巡冀南道湖廣布政使司左布政使齊國儒為山西按
察司副使分守河東道

丙午

宴素倫部落貢貂皮倫科等及延慶鄉捕海貂人蘇爾
考等于禮部

上御中和殿

賜厄魯得部落貢使圖克齊文貝喀爾喀部落貢使阿濟

圖文貝等宴

初固山額真譚泰以罪革職後金聲桓等叛于江西統
領大兵征討敗賊二十餘陣斬賊渠聲桓王得仁等克
復全省有功特授為一等精奇尼哈番

定遠大將軍和碩鄭親王濟爾哈朗奏報大兵自安陸
府渡長沙江聞賊渠何騰蛟馬進忠等據湘潭多羅順

承郡王勒克德渾固山額真阿濟格尼堪統八旗前鋒
兵并擺牙喇為前哨臣領衆軍為後隊前哨兵先抵湘
潭賊出三門迎戰我兵分擊大敗之生擒騰蛟奪門而
入克其城遂令尚書阿哈尼堪固山額真劉之源等率
兵一旅趨寶慶固山額真董圖賴宜拜等率兵一旅趨
衡州時聞賊渠一隻虎據辰州臣親領兵渡江趨辰州
又聞賊渠杜胤熙部賊據永興臣星夜趨永興噶喇昂
邦席特庫等先至奪門而入生擒偽總兵等官尹舉智
等十人斬之獲馬七十一匹船四百隻一隻虎聞風棄
辰州而遁阿哈尼堪劉之源等聞賊首王進才馬進忠

據寶慶乘夜馳往平明抵城賊衆迎戰擊敗之遂克寶
慶破南山坡九營斬偽總兵等官馬有志胡進玉等七
人獲馬一百十七匹努山等又擊破進才紮營于大水
阿哈尼堪等擊破賊首袁宗第一隻虎等子營于紅江
師至沅州令宜爾都齊等分兵一半趨靖州時有賊三
千餘踞山角立砦梅勒章京金維城等直衝入大敗之
靖州賊聞風先遁我兵奮力追逐獲馬三十匹固山額
真董圖賴等距衡州三十里遇賊兵千人屯橋上前鋒
兵擊敗之又破偽總兵陶養用砦于石橋門斬養用破
偽伯胡一靖七營于城南山偽黃副將兵于望公嶺偽

總兵周進唐兵于山路口偽方總兵等兵于山上一清復
率賊衆萬人距廣西全州三十里立六營又擊破之我
師遂入全州

丁未

遣官祭

歷代帝王

遣官祭城隍之神

已刻日暈赤白色良久漸散

遣禮部啟心郎俄黑等往祭故朝鮮國王李宗

賜謚莊穆諭祭文曰侯服秉朝宗之義奉職惟虔朝廷廣

懷遠之仁遇哀斯卹爾朝鮮國王李倬秉志公忠牧民

仁恕守箕裘以紹緒克率典常獻共球而來王有嘉儀

物故海隅出日咸近天光而島嶼滄溟共遵聲教維屏

維翰克長克君聿輯尔邦以藩王室方期彤弓優貺昭

德致于遐年詎意懸局逍遙傷溘先于一旦朕聞告訃

憫悼良深特

賜祭賻謚曰莊穆仍封王世子湜為朝鮮國王承襲如制

嗚呼盟堅帶礪應思華表之歸氣壯河山永鬱佳城之

色靈如不昧尚克歆承

遣戶部啟心郎布党蝦撒尔岱克正副使賚

誥命並

勅諭詔書往封朝鮮國王世子李湜為朝鮮國王世子妻張氏為王妃

賜溪黑狐太外套一襲貂皮百張玲瓏鞍馬一匹緞十疋妃緞三十疋

勅諭曰得奏尔父王宗薨逝前尔父王據該國臣民公議奏請封尔為世子朕順輿情已允所請

賜之封誥尔父既薨應尔承襲特遣官賚

詔示尔國大封尔為朝鮮國王繼理國政乃封尔妻張氏為國王妃佐理內政并

賜尔及妃

誥命冕服彩幣等件尔宜服茲新命克紹前徽屏翰東方輯寧邦國欽哉故諭

賜王

誥命文曰立極開天之大義王盡稱臣建邦錫土之洪庥子當繼父藩屏攸賴渙號宜加尔朝鮮國王世子李湜秉禮淑躬存心濟物肯堂肯構家庭夙信其象賢曰孝曰恭臣庶樂推其雁序爰稽舊典式沛新綸封尔為朝鮮國王帶礪山河恪職率海東之君長苞桑社稷貽謨篤奕世之忠貞尔其欽哉毋替朕命

賜王妃

誥命文曰外藩効順世錫鴻恩內政克勤均沾盛典古帝
正統御之道也是以詩詠靜貞之德禮垂愛敬之文茲
爾朝鮮國王世子妻張氏克秉婦儀允閑內則既隆延
世之寵宜加崇爵之榮特封爾為朝鮮國王妃其夙夜
敬共鷄鳴交儆共効忠誠于上國同奠藩服于東維敬之
哉勿負朕命

詔諭朝鮮國王臣民曰帝王保邦致治懋建屏藩雖在遐
荒其殫心向化者咸得永有山河延厥世紀此

朝廷之鉅典所以廣至仁風侯服也故朝鮮國王李侗
世守禮義兼識先幾當國家受命之時據誠歸順翼

匪懈于屬國中可謂賢矣茲陪臣告訃例當襲封故王
次子李湜夙著溫恭長稱孝友既協允終之義宜承光
業之傳前允國王奏請已封世子茲封為朝鮮國王俾
綿世澤式順羣情撫爾臣民無改承先之孝安其政教
共堅事大之忠特茲詔示咸使聞知

戊申

江西巡撫朱廷慶劾江西右布政使張毓泰 貪婪狀
草毓泰職下撫按鞠訊

庚戌

命定遠大將軍和碩鄭親王濟爾哈朗班師還京

辛亥

以原任浙閩總督張存仁為兵部尚書兼都察院右副都御史總督直隸山東河南巡撫保定等府提督紫荆等關兼理海防軍務

浙江福建總督陳錦奏江右流寇突入延平攻陷大田尤溪二縣臣遂調兵會剿恢復二邑斬馘甚多下所司壬子

遣和碩英親王阿濟格固山貝子鞏阿岱內大臣俄齊爾統官兵往大同

癸丑

陝西總督孟喬芳奏報臣等令固山大根特副將趙光瑞等領兵自蒲州赴平陽會剿行至臨晉聞賊趣滎河前往剿捕途遇偽帥白璋等領馬步賊六千餘列營迎敵根特等奮擊大破之斬賊二千有奇餘賊北遁我兵追至黃河賊溺死無算斬偽帥白璋餘賊逃入孫吉鎮悉斬之遂引兵趣猗氏行十餘里偽監軍道衛登方擁賊數千依山為營以拒我兵又有偽帥張萬金率領賊眾前來迎敵根特等又分兵奮擊斬張萬金并賊四千餘收兵回擊衛登方斬賊三千有餘生擒登方並斬偽

副將王國興等三十餘員又令章京杜敏等領兵趣解州遇賊渠邊王張五党自成等擊破之榮河猗氏解州俱復疏入下所司察叙

甲寅

陝西提督孟喬芳奏章京杜敏等兵駐解州運城殘孽勾連南山賊圍攻解州我兵出城擊敗之斬賊甚多又根特等由猗氏趨聞喜過候馬驛遇偽都督郭中傑率賊萬餘迎敵我兵奮勇衝擊大敗之追殺三十餘里斬賊八千有奇獲器械馬騾無算下所司察叙

寔授署江南提督事劉光弼為都督同知江西提督總

兵官

乙卯

科尔沁國福妃賢妃土謝圖親王卓禮克圖親王北撒克圖郡王巴圖魯郡王秉圖郡王額駙祁塔特畢爾他噶爾等來赴

大行中宮太后喪獻白金駝馬等物酌納之

丙辰

征西大將軍和碩親王滿達海等報寧武關偽提兵劉偉偽道趙夢龍率偽副將三員偽叅遊十一員偽都司守備四十員馬步兵五千四百名來降靜樂縣寧化等

所一帶山砦悉平

大清世祖體天隆運英睿欽文大德弘功至仁純孝
章皇帝實錄卷之四十六

順治六年九月丁巳朔

革戶科給事中常若柱職以劾湖廣糧儲道牛銓
故也 八旗每甲喇添設步兵章京一員每牛錄
添設步兵五名 以山東濟南東昌兗州等府州
縣失守降巡撫呂逢春賊二級調用

戊午

平西大將軍和碩英親王阿濟格敬謹親王尼堪
等遣李士蘊納海賚奏言八月二十三日為總兵

楊振威遣其守備劉寶來言我等原係良民為逆
寇姜瓖迫脅而反大兵來圍大同即欲斬逆瓖歸
順奈力不及今兵民飢餓死亡殆盡餘兵無幾我
等間計於各官裴季中等二十三人與我等同謀
約斬姜瓖歸順于是臣等回來又言汝等若斬瓖
來歸自當恩養至二十八日果斬姜瓖并其兄姜
琳弟有先首級來獻二十九日大兵入大同城疏
入下所司議叙諭和碩英親王斬斬獻姜瓖之
楊振威等二十三員及家屬并所屬兵六百名俱
着面養仍帶來京其餘官吏兵民尽行誅戮將大
同城垣自壕撤去五尺其城樓房舍不得焚燬眾
將士圍困大同俱已勞苦蘓納海等至日即給予
外藩蒙古兵丁口糧先遣出邊王侯出毀城垣事
竣班師還京以鄂穆布有敗山東慶都等處敵
兵及追斬叛逆吳班岱等五台吉功封為多羅達
爾漢卓札克噶郡王以蘇尼忒部落噶爾麻於
其兄騰思机等遁回時獨率所部來歸封為多羅
貝勒

庚申

補原任陝西分守商維道叅政楊可經為四川布

政使司叅政分守川北道 陞工部郎中李士邵
為四川按察司僉事松潘兵備道 征西大將軍
和碩親王滿達海报寧武岡偽總兵劉偉及道官
趙夢龙率付叅遊守五十餘員兵五千四百餘人
來降靜樂縣寧化所八角所諸寨悉平

壬戌

山東巡撫祝世昌奏翼城縣知縣何斯美舉首曲
沃縣廢紳李建泰負息倡亂手書有拋已撥各屬
嚴緝其原書密送兵部命嚴建泰何斯美紀叙

甲子

授投誠偽都察院右副都御史戾我公仍為都察
院右付都御史招撫沙埕舟山等處招撫使偽開
遠戾吳凱為沙埕戾偽義安伯顧奇勲為舟山伯
偽開平將軍姜君猷為歸義將軍偽總兵陳德芝
為招撫標下右營總兵雷虎魁為招撫標下後營
總兵楊子龙為招撫標下前營總兵偽安遠將軍
王用升為懷義將軍偽翼義將軍陳龙為叅義將
軍偽付使呂一垵為沙埕監軍付使高樹勲為舟
山監軍付使俱賜勅印並貂帽蟒袍等物鄂尔多
斯部落額廓臣布達岱願祿阿濟格扎穆蘇皆舉

國來降封顯慶臣為多羅郡王布達岱子伊康臣
顧祿子色冷俱為固山貝子阿濟格札穆蘇為鎮
國公 視福建糧儲道何平賊以規避不赴任故
也

乙丑

調山東左布政使盧震陽為江西布政使司左布
政使降前宣大總督耿焞為山東布政使司左布
政使陞江西湖西道叅政莊應會為本省右布政
使管按察使事

丙寅

增設攝政王下漢二品奎儀使一員三品尉軍使
四品雲麾使五品治儀正各二員六品整儀尉三
員 喀爾喀部落土謝圖汗遣索諾穆榜式等貢
駝馬等物賞賚如例 以原任巡撫夏玉仍為兵
部左侍郎兼都察院右付都御史巡撫山東

戊辰

以正紅旗科拖拜正藍旗教德為甲喇章京 以
正藍旗甲喇章京易拔翰為揚州固山梅勒章京
以郝善為吏部理事官沙穆哈為戶部理事官
陳卜祿為禮部理事官賚羅霍特阿格色為兵部

理事官董泰根特巴魯魯為刑部理事官覺羅碩
博惠達都為工部理事官布斯泰為西城理事官
陞刑部侍郎卓羅為禮部尚書以梅勒章京
藍拜為禮部侍郎固山額真俄羅塞臣為刑部侍
郎

己巳

命內翰林秘書院侍讀王崇簡內翰林國史院侍
講谷庭桂充武會試主考官靖南王耿仲明屬
下牛录章京魏國吳旗鼓劉養正隱匿滿洲家人
並鞞匠四人索取時僅獲二人餘俱梅勒章京張

起鳳縱逸事聞遣官賫教諭定南王孔有德靖南
王耿仲明平南王尚可喜曰前聞滿洲家人多被
王等招收而去己令兵部傳旨查明解送今有靖
南王耿仲明所留等候匙馬旗鼓劉養正牛录章
京魏國吳隱匿滿洲鞞匠四人已搜獲其二魏國
賢將二鞞匠隱匿在家及搜查人到掬阻不容入
門隨縱二鞞匠脫逃再審所獲二人云不止我等
其放馬之處滿洲家人隱匿者尚多目遣人前往
搜查劉養正預先知覓密遣人至放馬處通知梅
勒章京陳紹宗牛录章京張起鳳將所匿逃人尽

行驅放及搜查人到止獲九人餘俱未獲其陳紹宗劉恭正張起鳳魏國吳等雖有航海來歸之功以此隱匿逃人悖逆殊甚是犯必殺不赦之條矣原遣王等南征以為歸順有功腹心可寄必然利益國家誰知反掠滿州家人突出意外朝廷及各王府併滿洲家人多被招誘其事甚確諭旨到日王等即親身戾察將所匿逃人尽行查出交与差去官員仍撥兵護送如此庶見王等為國之誠若漫不查送則此隱匿之事顯係王等知情矣特諭

庚午

降工科給事中張京二級調用以劾逃方貪縱不即指名及奉諭勉分始揭御史劉漪匿蘭兆等貪狀故也湖廣右布政使劉自竑久病不痊勅令休致

癸酉

上御中和殿賜四子部落貢使達爾浚卓札克圖等宴封固倫額駙祁塔特為多羅郡王冊文曰尔祁塔特父索訥穆之姑祖明安達爾浚巴圖魯貝勒子嫩科尔沁各貝勒未順時以女進太祖皇帝姻好不絕尔祖莽古思查尔古齊貝勒又

子科尔沁各貝勒未順時以女進

太宗皇帝姻好不絕又爾祖母及爾以妹進

太宗皇帝親誼有加當察哈爾以兵侵爾科尔沁圖
爾科尔根爾朱城爾諸兄弟俱遁走獨爾父索訥
穆同卓札克圖親王駐紮爾曼城中殲察哈爾兵
獲其駝馬未獻及聞

太祖皇帝賓天隨遣弟滿朱習札未進香又初次証
北京時爾父率所部兵來會遂爾病逝故以爾祁
塔特為多羅郡王

甲戌

戶科右給事中董萬行請頒刻易知由單將各州
縣額徵起運存留本折分數漕白二糧及京庫本
色俱彙悉開載通行直省按戶分給以杜濫派部
覆從之 証西大將軍和碩親王滿達海定西大
將軍端重親王博洛等奏免汾州斬偽巡撫姜連
勲偽布政使劉炳業嵐縣永寧州俱平 端重親
王又報平陽汾州等處賊渠葛仲京等陷孟城驛
張王二偽總兵犯西紅旗營雷和尚張五圖絳州
劉光裕陷岳陽果胡邦秀盤踞老君廟官兵俱擊
敗之州果悉平

乙亥

阿達哈：苗希孚言希孚曾奉使蒙古官不過一
等阿達哈：番後于希孚者俱得優陞拆改王以
自請陞迂淡無此例下內大臣錫翰等議其罪重
議希孚前經罪褫旋蒙復官班于內大臣之列服
色恩賜尔如內大臣乃輕泰泰之恩自求迂擢情
罪重大應棄市疏入王令免死革職為民不许隨
朝及汪末諸王府並各大臣家 贈海州殉難知
州張懋勳為江南布政使司參議廕一子入監讀
書州同李士麟為海州知州

丁丑

更定宣大二鎮官兵經制宣大總督標兵二千名
分二營中軍付將一員兼管左營事 中軍守備一
員右營遊擊一員 中軍守備一員 旗鼓守備一員
掌印都司管屯都司巡捕都司各一員俱移駐陽
和陽和付將中軍守備右衛付將中軍守備各一
員 兵各一千名 陽和道分守道中軍守備各一員
兵各一百名 大同城操守一員 驛兵一百名 平魯
井平天城威遠得勝助馬新平等路各參將中軍
守備各一員 兵各四百名 右衛山陰應州馬邑高

山聚落懷仁寺城守備各一員兵各二百名弘賜
鎮川拒牆鎮邊破虎滅虎鎮羌將軍會殺虎迎恩
破魯保安拒門威虎鎮門鎮寧滅魯鎮魯保平守
口牛心西安乃河雲崗鎮口敗虎阻虎平遠威魯
寧魯雲石寺堡大水瓦窯二口操守各一員兵各
一百名宣府鎮總兵一員旗鼓守備一員兵二千
四百名分三營中營中軍遊擊一員管中營事中
軍守備一員左營遊擊一員中軍守備一員右營
遊擊一員中軍守備一員撫標旗鼓守備一員兵
一千二百名分二營左營中軍遊擊一員管左營

事中軍守備一員右營遊擊一員中軍守備一員
東南城守西北城守：備各一員兵八百名獨石
西城懷來右衛紫溝龍門所葛峪寺路恭將中軍
守備各一員兵各五百名蔚州万全左衛懷安龍
門寺城守備各一員兵各三百名新保安守備一
員兵二百五十名赤城屯牧懷來寺道標中軍守
備各一員兵各二百名洗馬林西陽和滴水岷周
四溝四海冶長安嶺東城旧保安廣昌寺城深井
膳房鎮安云州礮山靖安寺堡張家新開新河大
山寺口永寧柳溝二路守備各一員兵各二百名

宣府驛操守一員兵二百名雞鳴驛土木榆林二堡叅守各一員兵各一百五十名延慶州操守一員兵一百名桃花馬營二堡操守各一員兵各八十名鵬鶚堡操守一員兵六十名黑石嶺青邊口大白陽小白陽鎮寧清泉君子趙川長伸地寺堡操守各一員兵各五十名

庚辰

鄂尔多斯部落郡王額廩臣等貢馳馬宴賚如例
壬午
宴武進士于兵部賜一甲一名金袍一盃甲帶靴

腰刀弓箭等物其一二甲銀各十兩三甲銀各八兩著為例

癸未

孝慈武皇后忌辰遣官祭

福陵

甲申

刑部奏靖南王下旗鼓劉養正牛秉章京張起風等兵丁馬四等六人隱匿包衣董得貴牛秉下鞍匠王可義家人王三等梅勒章京陳紹宗阿達哈哈嵩張承勳知情招誘牛秉章京魏國吳不容搜

查使之脫逃得實俱擬斬籍其家奏入命斬劉養
正張起鳳及兵十六名免其籍沒陳紹宗張承勳
投誠有功免死革職籍其家之半魏國吳革職
鞭一百 陞署總兵張勇為都督僉事充鎮守甘
肅總兵官馬進寶為都督僉事充鎮守金華總兵
官張杰為都督僉事充鎮守定海總兵官 以都
察院叅政哈喇庫為都督同知充鎮守延綏總兵
官 內翰林國史院大孝士宋權乞假壘親允之
冬十月丙戌朔享
太廟遣固山貝子鞏阿岱行礼 頒時憲曆 順天

府舉行御飲酒禮

丁亥

授投誠官吳紹祜為二等阿達哈、番寶三畏韓
應琦為三等阿達哈、番

戊子

封多尼為和碩親王傑書為多羅郡王貝子拜尹
圖衣齊尚善鎮國公兵洛哈爾楚渾宗室杜蕭巴
爾楚渾巴思翰祐世布俱為多羅貝勒鎮國公錫
翰吞齊哈捕國公特爾祐穆爾祐扎哈納薩弼努
賽富喇塔蘇布圖宗室強度溫齊佛克齊庫俱為

固山貝子輔國公巴布泰德為護聶克塞額克親
席特庫宗室恭安馬爾圖僧額馬山俱為鎮國公
二等鎮國將軍恭安為輔國公宗室郭蓋郭賴俱
為二等鎮國將軍一等奉國將軍班布尔善噶布
喇二等奉國將軍干圖奉恩將軍噶達洪拔都海
澍黑祐錫布宗室華善薩穆哈巴圖巴哈納齊七
步阿喇米俱為三等鎮國將軍奉恩將軍穆臣海
蘭額奇宗室托克托慧席布錫倫宋國圖伯奇伯
爾黑杜爾霸祐世布能額英額理俱為三等輔國
將軍

己丑

賞使鹿部落我羅克吞貢使你牙喇烏爾奇喀爾
喀部落土謝圖汗下貢使阿濟圖我木布奇袍帽
朝服緞布各物有差

辛卯

禁伐昌平故明陵寢樹木 駐防浙江梅勒章京
柯汝極卒

壬辰

申刻京師地震二次起東北迄西南 諭厄魯得
部落奉事佛法諾門汗曰本朝于舊好之國初不

願加兵若當交好時而樂事干戈誠不能默然也
此今喀爾喀方以信使通好乃遣人誘我薩尼忒
部落騰机思反叛挾之而去及我師追騰机思時
土謝圖汗丹津喇嘛碩雷汗無故兩次出兵拒敵
惟天降罰使之敗斂二楚虎尔又無故侵我巴林
殺人掠畜俄木布額尔德尼又無故加兵于我及
聞我出師始还巴尔布秉圖又來侵我土默特部
落殺其人民劫馬二馬匹此輩每起兵端朕能嘿
然處之邪朕前此遣使爾諾門汗云我老我諸
子兵卒尚未老也凡有証討我當以兵助之朕非

目兵力單弱求援于尔目尔有前言故使尔聞之
今尔若踐前言出兵相助誓不悞期可以定議報
我如不欲出兵亦定議來報以破徇逆及招降
西寧城功賜厄魯得部落我木布車臣代青為土
謝圖巴圖魯代清和羅穆席厄尔得厄代青為巴
圖魯厄尔得尼代青墨根勒濟農為卓礼克圖巴
圖魯濟農遣江南道監察御史潘朝選巡按江
東山東道試監察御史孫奎巡按陝西

癸巳

賊陷福建興化府署府事福州府推官黎樹声死

之撫按以聞贈楸声為本省按察司僉事廕一子
入監讀書 予故戶部右侍郎梁雲構都察院左
付都御史孫昌齡祭墓如例

甲午

山西巡撫祝世昌報大兵收復鄆城擒斬偽元帥
韓昭宣等及逆賊千餘人下所司知之 封勞親
為親王 以塔哈納為三等鎮國將軍 授華善
為一等阿思哈 番諾多為一等阿達哈 番
初攝政王多尔袞諭蝦巴哈當護
駕勿得逆軍也巴哈不從強請再三諸大臣以其不

遵護

駕之諭強欲逆軍法宜逮問王曰宥之可聽其行或
隨明甲隊或隨暗甲隊任伊自便目今內大臣貝
子錫翰內大臣西訥布庫傳諭巴哈巴哈怒起歸
私宅錫翰等匿不聞後巴哈自行請罪錫翰等
始言之俱下諸大臣議擬革錫翰內大臣貝子西
訥布庫內大臣及其世職俱贖身巴哈諭斬王令
從寬罰錫翰西訥布庫各土黑勒威勒巴哈贖身
立祀親王代善墓碑文曰尔和碩礼兄親王代
善乃

太祖武皇帝次子于崇德元年晉封和碩礼兄親王
不幸薨逝當

太祖武皇帝征哈達灰筏兀喇耶黑諸國時爰整師
旅四出比克有明又為國家著勞用是特諭誥部
式展遐痛之思勒石堂前以示顯揚之典

丙申

以恩詔加內翰林秘書院大孝士太子太保洪承
疇內翰林弘文院大孝士太子太保馮銓俱少傅
兼太子太傅內翰林國史院大孝士宋權吏部尚
書陳名夏戶部尚書謝啟光礼部尚書李若琳礼

部尚書兼內翰林弘文院孝士管左侍郎事王鐸
兵部尚書刘餘祐刑部尚書党崇雅工部尚書金
之後都察院左都御史徐起元俱太子太保吏部
左侍郎張夙翔戶部左侍郎戴明設戶部總督倉
場左侍郎趙京仕兵部左侍郎李化熙刑部左侍
郎房可壯工部左侍郎刘昌吏部右侍郎兼內翰
林秘書院侍讀學士高尔侯礼部右侍郎兼內翰
林秘書院侍讀孝士陳之遴兵部右侍郎孫承澤
刑部右侍郎熊奮渭工部右侍郎李迎暖俱都察
院右付都御史通政使司通政使張紹先工部右

侍郎各照舊管事 以和碩額駙一等阿思哈、
番兼一拖沙喇哈番杜雷為一等精奇尼哈番蒙
古固山額真一等阿達哈、番俄羅塞臣為三等
阿思哈、番 以守城有功舉人田三接為浙江
布政使司參議兼倉事屯田水利道隨征內弘文
院中書石在崗為福建按察司倉事兼參議督糧
道

戊戌

遣四川道試監察御史王亮教巡按浙江四川道
試監察御史趙如瑾巡按江西河南道監察御史

張中元巡按甘肅 宣大總督佟卷量疏報投誠
守備揚登州叛連土寇攻破山陰縣典史施邦政
死之疏下所司 定侯伯頂帶坐褥之制帽頂嵌
東珠二顆帶用金鑲團玉中嵌紅寶石坐褥與三
等公同

己亥

免山東：平長山長清萊蕪肥城新泰臨邑臨朐
新城齊河商河濟陽禹城歷城鄒平樂陵聊城堂
邑莒州縣五年水災額賦 以孫塔揚起祥為戶
部侍郎管理鹽法駐劄揚州府 以佟國胤為都

察院叅政察哈泰陳逢泰段應舉為戶部理事官
以鑲藍旗明阿圖為蒙古固山梅勒章京
鑲紅旗諾爾部塞克為擺牙喇甲喇章京
甲喇章京免江西六年以前明季加增遠餉銀
兩兵部題叙隨征大同等處各官功都司
管叅軍事徐長春遊擊管叅將事彭有德王
守備梁化鳳俱以付叅將用從之

辛丑

攝政王多爾袞率王貝勒貝子公等征喀爾喀部
諾二楚虎兒

上親送之 漕運總督吳惟華報獲故明樂陵王朱
華琦下所司知之

癸卯

陞宣府遊擊王一正為王慶坨付將

甲辰

遣河南道試監察御史聶介巡按淮揚雲南道試
監察御史王佐巡按湖北

己巳

陝西總兵任珍題報偽付將唐仲亨勾連川教逼
近秦境臣率官兵馳擊敗之于屠油堪連破三穴

陣斬仲亨擒偽王朱常漢朱由枉為帥焦賚明偽
監軍鄧林春蒙古卜不賴等解赴西安正法并獲
偽玉印等物下所司察叙

丙午

山西巡撫祝世昌報大兵恢復潞安疏下所司

丁未

延綏署總兵官南一魁疏報官兵克榆林及東西
路二十六營堡陣斬偽總兵任一貴謝汝德等并
賊級三千下兵部知之

己酉

刑部議圍困大同失津諸將之罪牛录章京朱亘
生被敵奪門章京席巴礼朱查哈博洛允德尔德
當敵兵填壕坏城堞而出不即迎擊又擅離汎地
俱擬斬甲喇章京阿喇密署叢章京事遇敵出不
進擊擬革職籍其家牛录章京叟塞不迎敵進擊
擬革職鞭一百章京阿布達礼羅習借口救援潛
避僻处擬革章京各鞭一百章京博尔和允牛录
章京勒弼不前進救援詐言注救擬革博尔和允
職解勒弼牛录章京任各折贖署叢章京格尔退
本旗汎地被陷不先驅救援及後注救又詐言措

庫未嘗先往反謂身敗敵兵擬草一百折贖議上
命朱亘博洛允德爾德俱免死由任各籍家產之
半席巴札朱查哈免死草賊各籍家產之半阿喇
密草賊折贖叟塞草一个前程報一百折贖羅習
阿布達札勒弼報一百折贖俱由任博尔和允草
一个前程報一百折贖格爾退報一百折贖 征
西大將軍和碩親王滿達海等奏報平遙太谷二
果負固不服遣壽章京索洪率官兵注圍平遙時
偽知果劉三元已先率兵民遁去今賊五百人復
還城取糧我兵奪門入殲之遣署壽章京希爾

根率官兵注圍太谷以紅衣砲攻破其城偽知果
李成沛偽都司吳成器等率兵出城遁我兵遮擊
爾殲之又潞安府賊分兵二路一拒沁州一圍
遼州隨遣多羅貝勒拜音圖壽章京索洪率官兵
赴沁州鎮國公韓岱署壽章京希爾官率官兵赴
遼州貝勒拜音圖等星夜馳往賊聞風遁走遂拔
沁城趨潞安比至賊已先遁會偽道胡昂國復率
兵還城我兵圍之賊夜走為我兵所截俱就戮公
韓岱等至遼州偽將率馬步賊兵迎戰我軍大敗
之屯苗襄垣榆社武鄉等縣俱降

庚戌

命征西大將軍和碩親王滿達海輔國公薩弼分
兵回京留多羅郡王瓦克達等剿撫山西

辛亥

察哈爾等國教滾等部落親王郡王公等各率兵
來會輯改王于軍前王宴勞之賞貂裘蟒袍等物
有差 宴朝鮮國領曆使臣于禮部

甲寅

扎魯特等部落王貝勒貝子各率兵來會王宴勞
之賞貂裘蟒袍等物有差

十一月丙辰朔

贈故臨鞏兵備道李紮飛光祿寺卿臨洮府同知
徐養奇岷州同知杜懋哲陝西按察司付使蘭州
知州趙翀陝西布政使司叅議渭源縣知縣李昌
陝西按察司僉事仍各廕一子入監讀書蘭州儒
李訓導白旗國子監李錄旌其殉交殉難也 降
補原任山東巡撫呂逢春為山西按察司僉事大
同左衛道湖廣左布政使張大任以老疾休致
漕運總督吳惟華奏報廬州營叅將金芝同督標
付將王戎等領官兵進剿貓兒龍潭四柱江家峰

尖領等寨賊巢余化龍余君實帥丙等各以寨降
章下所司

戊午

江西巡撫朱廷慶言順治五年間江西遭金王二
逆之變文武各官俱相效割辦逆惟故巡按御
史董成學分守湖東道叅議成大業新喻果知果
常康袁州付將尚登第或威扶不逆視死如飴或
抗志不辱与城俱殞乞勅部優卹以慰忠魂章下
部議

己未

遣江西道監察御史劉達巡按宣大福建道監察
御史張慎季巡按蘓松浙江道監察御史吳達巡
視茶馬

庚申

攝政王軍次席巴尔臺是日吳喇忒土默特四子
等部落王公固山額真等各率兵來會王宴勞之
乙丑

以正藍旗烏庫札為滿洲固山梅勒章京桑賽蘓
爾都為甲喇章京富泰海色格爾圖喀喇爾岱正
白旗克初塞格覺羅何特正藍旗噶庫爾內為擺

牙喇甲喇章京

丙寅

免直隸開州元城南樂清豐東城長垣清東縣地
荒地潭賦 免陝西岷州本年分電災租稅

乙巳

江南江西河南總督馬國柱言江南既改京為省
國學宜改為府學即其舊址而新理之仍支奉田
租銀以供春秋祀事章下所司

辛未

淮揚巡按張濩奏報蘇州府將周維壩剽平沛縣

湖陵土寇斬獲甚多章下所司

癸酉

冬至節祀

天子

圖丘遣固山貝子翠阿岱行礼 攝政王軍至喀吞

布喇克地方遣四子部落固山額真布內率蝦員
壯大阿育錫等前往偵探回報空戈爾我木堡地
方見有敵踪失實下諸大臣議布內自引錯誤之
咎擬解固山額真任籍牲畜之半蝦等各率戩鞭
責啟入王以布內屢立軍功且既引咎於衆官無

涉俱免死

甲戌

輯改王自喀友布喇克旋師免宣府惶電災傷地畝本年額賦陞工部郎中高丹桂為江南按察司僉事揚州兵備道刑部郎中韓永馨為湖廣按察司僉事荆南兵備道接晟為湖廣按察司僉事上江兵備道

庚辰

予故甘肅巡撫張文瀚分巡西寧道林維造分守西寧道張鵬翼紹興府知府張懷令稽果知果官

撫渙祭墓如例

辛巳

達賴喇嘛遣噶布初西喇布尼魯得部落碩實汗遣墨爾根和碩齊等來朝貢賜喇嘛銀器雕鞍文羊碩實汗盔甲腰刀雕鞍銀器絲幣文草瑪瑙等爵賞噶布初西喇布墨爾根和碩齊等盔甲弓矢刀鞍銀器紵絲等物有差

壬午

靖南王耿仲明往征廣東至江西吉安府自尽

癸未

江南江西河南總督馬國柱劾奏揚州道俞事胡
江枉法貪污贓至七千兩中軍王吉太教官劉禴
同惡相濟流毒淮揚請賜處分以彰國法令詎督
撫按提問追擬 馬國柱又奏報徽州府黃山寨
偽總兵王俊張公山寨偽總兵汪承高五都源寨
偽付將江溥黃尖寨偽監紀程正邦寧國府大義
寨偽付將籍維倫天水寨偽付將朱國相華陽寨
偽遊擊葛揚中等各以寨降章下所司

十二月己酉朔

山西巡撫祝世昌報興縣芮城平陸三縣平

丁亥

陞刑部郎中田厥茂為陝西布政使司叅議兼按
察司余事提學道 甘州平川等堡蝗莊浪水西
寧冰雹傷禾稼

戊子

郵金華處州平陽陣歿守備張文科蔣國臣千總
張爾勛各給銀八十兩 定遠大將軍和碩鄭親
王濟爾哈郎等奏報廣西賊渠趙康分三路寇全
州多羅順承郡王勒克德渾等率噶布什吳噶喇
昂邦席特庫等擊敗之獲馬四十餘匹後復來啟

率兵往援比至賊已遁去聞賊渠曹楨子在道州
遂令順承郡王征之賊立柵壘扼永安關我兵潛
襲布特庫拔其營署燾章京阿濟賴等斬關而入
克之獲馬二十餘匹九月楨子復以其党萬餘寇
道州順承郡王等率官兵擊敗之斬賊渠三人生
擒一人獲馬六十餘匹臣率兵至永州賊渠周進
唐熊兆藻立五營于大松橋臣遣署梅勒章京達
爾退等擊敗之時固山額真佟圖賴苗駐衡州尚
書阿哈尼堪固山額真劉之源由駐沅州賊攻長
寧縣佟圖賴遣牛采章京陳天謨等破之於石鼓

洞斬偽總兵付將二人賊渠王強等犯沅州阿哈
尼堪遣署燾章京杜爾德等破之于沅水斬偽付
將三人及賊兵七百餘級獲馬六十餘匹諜聞賊
渠二隻虎據烏撒城臣遣哈布什賢噶喇昂邦努
山等往剿賊三面逆戰我兵俱擊敗之署擺牙喇
甲喇章京庫尼雅等相繼奪門遂克其城斬偽付
參遊五人及賊兵千五百餘級獲馬二百餘匹我
兵自馬撒城旋剿賊于艾考洞比至賊遁我兵追
敗之斬偽崗部揚鰲等三人又遣署燾章京宜爾
都齊等大敗賊渠何永忠攻克黎平府永忠潰奔

永從縣我兵躡其後賊返逆戰俱大敗之永忠携
妻子潛遁偽泗江王並斬偽將五人賊兵一百六
十鎗獲馬四百餘匹招降偽總兵付將監司十一
員

己丑

河間道衣惟孝以索屬官馬逮問復營求囑托事
覺褫職為民

癸巳

陝西巡撫王爾性報叛首雷登高糾黨拋龍駒寨
商雒道張國泰率兵環攻破其寨斬登高及賊兵

百餘級餘帑悉散

陝西三水果虫霜傷稼

丁酉

甘肅巡撫周文葉報獨孽丁國棟墨承印等盤拋
肅城總兵張勇付將馬寧分兵夾攻擒國棟承印
斬首五千餘級肅州平 山西巡撫祝世昌彙報
姜壤叛時殉難官員分巡冀寧道付使王昌齡等
嵐道僉事徐淳分巡冀南道付使劉澤溥汾州府
知府黃廷柏潞安府知府楊致祥署太原府通判
事州同馬維熙蒲州知州錢法裕繁峙縣知縣崔
尚質靜樂縣知縣祝文光文水縣知縣曹之吳祁

縣知縣王之昂興縣知縣李昌汴臨縣知縣張耀
祖垣曲縣知縣李崇宗夏縣知縣劉之屏署太谷
縣事照磨揚其籍署交城果事都事周邦翰署忻
州事主簿何顛祖太谷縣教諭賈道醇交城縣典
史鄭運昌太谷縣典史王自亮永和縣典史鍾夢
報中軍許世德俱被賊害寧武道俞事金元祥太
原府同知張國吳寧武付將李吉俱城破自經遊
擊武韜守備李進忠中軍王廷澍千總王命新把
總丘登戎百總張存義原任都司何斯盛俱敵陣
山下誅部察議

己亥

平西王吳三桂固山額真墨勒根墩奏報賊渠劉
登樓任一貴謝汝德潰奔榆鎮西協定邊一帶臣
等隨發兵追剿累戰克捷偽將齊進才殺汝德降
將官馬水爵射死一貴總兵劉芳名擒斬登樓榆
林等處俱已底定臣等隨分兵渡河攻圍保德府
谷又發諭招撫河東附近悉皆納款河保營偽總
兵張鳳翼授首偏關偽軍門萬鍊內安自焚下所
司察叙

席子

郊列霧四塞起東北至西南色青白

辛丑

先是江南巡撫土國寶以兵餉不足請旨贈派兵
科右給事中李化麟言加派乃明季陋習民窮盜
起大亂所由我朝應運首草此弊年來東蕩西除
兵師百萬未嘗用民間一絲一粒今遽以加派為
言竊恐江南如此他處多事之地紛、效尤有司
奉行不善吏書科派作奸朝廷未收一分之利民
間已受十分之累是開本朝六年未有之成例突
起民間累日無窮之紛擾流弊恐難言矣即目防

海長慮增兵或不容已然兵有經制餉有部撥未
可復議加派自開國以來革弊愛民至意踞下戶
部

甲辰

贈河南陳歿河北道付使塗廓為光祿寺卿廕一
子入監讀書 江西提督總兵官劉光弼報逆賊
張自盛洪國玉等盤據河東臣遣中軍叅將陳陞
等往剿追至大往竹擊敗之斬獲無算餘賊奔潰
偽總兵董明魁郭承旻等率眾降江右土寇悉平
章下所司

丁未

扈政王多尔袞率大軍还 遣浙江道監察御史
王應昌巡按真定等處河南道監察御史趙班奎
巡按山西 予福建福州府殉難推官黎楫声祭
墓如例

己酉

贈浙江殉難署上虞果事紹興府推官劉方至按
察司僉事詹一子入監讀書 四川巡撫李國英
奏報隣水大竹二果僻在山陬向為陳三台甘一
爵朱德洪等所把今三台翻熬就撫一爵德洪尚

爾執迷臣遣官招之一爵陽順陰逆將官任魁署
隣水縣知縣王文彩墮計身殞賴鎮臣盧光祖等
率兵注剿鏖戰七晝夜將士砍斃直登二逆先後
伏誅餘党悉除隣大二果俱入版圖下所司察叙
康戊

浙江巡撫蕭起元奏報寧波紹興台州等處土款
平 天津總兵蘓屏翰卒

辛亥

河東巡按梁應龙疏報撲剿聞喜夏縣賊寇併招
降偽總兵康姬廷等馬步兵二千餘名下所司知

之

壬子

攝政王多尔袞元妃薨令西白旗牛录章京以上
官員及官員妻皆素服六旗牛录章京以上官員
皆去纓

癸丑

歲暮 享

太廟遣固山額真譚春行礼 遣官祭

福陵

昭陵 祭太歲月將之神 是歲鹽三百七十九万

二千四百四十三引課銀一百八十三万四千九
百九十六兩七錢二分八厘銅錢十万九千六百
九十一万一百二十六文



